



सानसेयारि 'बड'सा' खरीरालाइयाव समाज्यारि जिजो लोब्ला थाबाय रायथाय, ब्रन्थाय, बाल, बलबाथा आरु दावबायारि थावनि, पार्क बाइदिनि स्यायाव लिन्नाय लिन्बिबां वैथाय ठर! सानसेयारि 'बड'सा' खरीरालाइया सेबररानाबे फोब्लावगोन।

बड'सायाव लिन्नाययि हुबु ब्रालाम, 'बड'सा' खरी नोथं, जो बयबो आंगो खालाम।

सानसेयारि 'बड'सा' मावखुलि
माइवं नोगोर, जोहोलाव देमालु लामा
कक्राझार, बितिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 4 September, 2024 Kokrajhar, BTC, Assam ★ Vol.- 34, Issue No.160 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

गिबि मन्थि ड० हिमन्त बिश्व शर्मा आ जारिमिनारि चतिया थाना दावबायफैदों

राइज्यो सरकारनि सामलायथायाव आथिखालनिफ्राय सरकारि महैर
20 आगस्टखौ चतिया सान फालिनाय जागोन: गिबि मन्थि

दिसपुर, 3 सेप्टेम्बर: सानत्रैनि दावबायनाय फारिलाइजों दिने दरबा जिल्लायाव थांनाय आसामनि गिबि मन्थि ड० हिमन्त बिश्व शर्मा आ सेथि हाबाफारि महैर भारत नागरलां सोमावसारनाय बायदि सोगोखां होनाय जारिमिनारि चतिया थानायाव दावबायफैना नायसफैयो। लोगोसे 1942 माइथायनि 20 आगस्टआव मोनथाम गाबनि फरिफला बिरहोनाय, उदांछि दावहा नांगारिफरिसिम गोसो-गोबोंजों मान बाउयो। मख'नो गोनांदि, गिबि मन्थिआ नुजाथि फैनय



समाव आसाम पुलिसआ गार्ड अब अनार दिन्थयो। बेखौ लोब्ला लानानै थाना लांगोनायाव खुनाय मेलआव गिबि मन्थिआ चतिया थानायाव 1942 माइथायनि 21 आगस्टखालि मोनथाम गाबनि फरिफला बिरहोनाय जाथाया भारतनि उदांछि सोमावसारनायनि मोनसे जाफेरें जारिमिन होनानै बुंदोंदि, बे दिदोम जाथायनि सोमोन्दै बिधान सभानि सदनआव सावयलायनाय जादोंमोन आरो चतियायनि उदांछि दावहा

(□ 5 बिलाइआव)

बितिसि सेक्रेटारियेटआव सावराय न'ब्लां लुनो अन्थाइ खाम्फा गायसन्दों



कक्राझार, 3 सेप्टेम्बर: कक्राझार सहरनि बड'फा नोगोराव थानाय बितिसि सेक्रेटारियेटआव गंसे गिदिर सावराय न'ब्लां लुफु'जानो थांगसिनो दं। बे बायदिने दिने

मोनसे गोथार हाबाफारिनि गेजेरजों बे सावराय न'ब्लांनि अन्थाइ खाम्फाखौ गायसन्नां होयो बितिसिनि गाहाइ मावफुं सोद्रोमा प्रमद बर'आ। मख'नो गोनांदि, बितिसि सरकार लुनो

गोनां बे सावराय न'ब्लांनि अन्थाइ खाम्फा गायसन्नां प्रमद बर'आ खौरं बिजोनि सिगाडव बुडोदि, गासै 3 कौटि 21 लाख रं बाहायनाये लुनो गोनां सावराय न'ब्ला एवा कनभेसन मिरुआ मोनथाम खोलोबनि जागोन। लोगोसे बे न'ब्लाडाव खेबसेयाव नो सा 300 नायगिरिफोय जिगयनो हानाय खबु थागोन। मख'नो गोनांदि, बेनि गेजेरजों बितिसिनि गुबुन गुबुन बिफाननि अनगायैबो दोलो-आफादफोर मेल-मिथिं खुनो हागोन होनानै बिथाड फोसयो। □

अमा, बोरमा, दाव- हांसो फिसिनायनि सायाव उफ्रा फोरोंथाय हाबाफारि खुंदों

सिमला, 3 सेप्टेम्बर: गुबुन गुबुन जायगा आरु फ रायसालि - फरायसालिमाफोराव गुबुन गुबुन रोखोमनि उफ्रा फोरोंथाय हाबाफारि खुंनोनाय बायदिनो दिने बितिसि सरकारिफ्राय एम/ एस हिमराज इन्टरप्राइजनि बान्जायनायाव बाक्सा जिल्लानि सालबारि महकुमानि सिमला पुलिस थानानि सिडव थानाय हनुवानि ककलाबारि चापागुरि फरायसालिमायाव ब्लक खोन्दोनि सोलोट्हाइ फसंथानफोराव जाग्रा आदार, आबाद मावनाय, जुनार

(□ 5 बिलाइआव)



सालबारि फरायसालिमानि सा 5 फरायसाफोरा सानजारां देरहासात बान्था 2024 मोनो हादों



भबानिपुर, 3 सेप्टेम्बर: बिजनी फरायसालिमायाव बावैसो सिमां सानजारां लक्षेस्वर ब्रह्मनि गोसोखांथियाव खुनाय थुनलाइ आरो हारिमुवारि बादायलायनायाव बाहागो लानानै सालबारि फरायसालिमानि सा 5 फरायसाफोरा मोनब्रै खोलोबाव सानजारां देरहासात बान्था, 2024 मोनोनो हायो। बिजनी फरायसालिमायाव बिजनी फरायसालिमा बर' थुनलाइ समाजनि बान्जायनायाव खुनाय हाबाफारियाव बितिआरनि सिडव थानाय फरायसालिमाफोरनि फरायसाफोरा बाहागो लानानै सा 5 फरायसाफोरा सानजारां देरहासात बान्था, 2024 मोनो हादों। सालबारि फरायसालिमानि फरायसा फारिये- रूपधन बसुमतारि

(□ 5 बिलाइआव)

बहलपुरआव एसआरपिएफनि 48 नं बेटेलियननि बान्जायनायाव मुंखं धर्मेन्द्र रायनि थैनास सान फालिदों



चापर, 3 सेप्टेम्बर: "हादत रैखाथिनि थाखाय गावनि जिउ बाउसोमनाय मुंखं धर्मेन्द्र रायनि मुड अराय समसिम भारतनि गोमाथाव जारिमिनाव स'नानि हांखोजों लिजागोन। मुंखिंनि देहाया थैदोंब्लाबो भारतआरनि नोजोरव अराय सम बिथाड अमर जानानै थागोन। बेयो गासैबो बहलपुरनि राइजो-रजाफोरनि थाखाय मोनसे गोमगानो गोनां आयदा।" दिने धुवरि जिल्लानि चापर पुलिस थानानि सिडव थानाय

(□ 5 बिलाइआव)

फैगौ 7 आरो 8 सेप्टेम्बरआव खुंजानो थांगसिनो नैथि फुलिस्वर नार्जारी गोसोखां जोलुर बादायलायनाय



कक्राझार, 3 सेप्टेम्बर: कक्राझारनि समाज सिबियारि राहुल नार्जारीआ गावनि आंगो बिफा रंसारि फुलिस्वर नार्जारीनि गोसोखांथियाव खुंनो लादों जोलुर बादायलायनाय। सराइबिलनि जगेन्द्रपुर गामिनि गेलेम्रा फोथाराव सानैनि हाबाफारिजों खुंजागोन नैथि फुलिस्वर नार्जारी गोसोखां जोलुर बादायलायनाय। गामि ओन्सोलनि लाइमोनफोरखौ गेलेनाय बिथिडव थुलुंगा होनायजों लोगोसे लोगोयारि सोमोन्देखौ गोखों खालामनो आरो गोजोन-खौसेथि थासासि गाइसन्नायनि थांछिजों थांनाय बोसोराव खुंनाय बायदिनो देरलायबो कक्राझारनि सासे जाफुंसार फालांगिनि आरो समाज सिबियारि राहुल नार्जारीआ

(□ 5 बिलाइआव)

सोनाब बंग सरकारआ जिनाहारि खालामग्राखौ फासि होनायनि बिलखौ गनायथिबाय

कलकाता 3 सेप्टेम्बर: कलकातानि आर.जि. कर फाहामथाय फरायसालिमा आरो फाहामसालिनि आइजो फाहामगिरिखौ जिनाहारि खालामनाय आरो बुथारनाय जाथाया हादतनाडे हेंथा सोमावसारनायनि उनाव दिने सोनाब बंग सरकारआ साफ्रेमबो जिनाहारि खालामगिरिफोरखौ

(□ 5 बिलाइआव)



प्रागज्योतिष आरो निर्मल इडुकेसनल ट्रास्टआ गरेस्वरनि सदानन्द बर'नो 'समाजआरि निधि' बान्था गथायदों

गरेस्वर, 3 सेप्टेम्बर: तामुलपुर जिल्लानि गरेस्वर बालाबारि गामिआव जोनोम मोननाय आरो आथिखालाव गरेस्वर सुकुलचर्कि गामिनि थागिबि समाज सिबियारि सदानन्द बर'नो दिने गुवाहाटीनि प्रागज्योतिष आरो निर्मल इडुकेसनल ट्रास्टआ गुवाहाटीनि 'ससिएल निधि' बान्थाखौ गथायो। गुवाहाटीनि आर्य बिहापिठ फरायसालिमानि सावराय जथुम न'आव खुंनाय मोनसे हाबाफारिनि गेजेरजों सदानन्द बर'नो बे सनमान गोनां बान्थाखौ गथायनाय जादों। मख'नाय जायोदि, गोबाव समनिफ्रायनो बर'नि माहारियारि आफाद दुलाराय बर' फरायसा

(□ 5 बिलाइआव)



सालबारिआव लाइमोन इउपिएल, गेलेमु आफादनि बान्जायनायाव अभिरुसि गेलेमु सान फालिदों



तामुलपुर, 3 सेप्टेम्बर: तामुलपुरनि गुबुन गुबुन दोलो-आफादफोर अर्जुन भगेश्वर बरुवानि जोनोम सानखौ अभिरुसि गेलेमु सान महैर फालिबोदों। तामुलपुर जिल्ला लाइमोन इउपिएलनि बान्जायनायाव दिने अभिरुसि गेलेमु सानजों लोब्ला लाखिनांने माराथन खारनाय, ज' खारनाय, फुटबल बायदि गेलेमु हाबाफारि खुंनाय जायो। फुनि 8:30 रिगायाव जिल्लानि नाग्रिजुलि हाइलेण्डनिफ्राय गासै 20 किल'मिटर गोजान माराथन खारनाय बादालायनाय

(□ 5 बिलाइआव)

उदालगुरि महकुमानि अरांआव अभिरुसि गेलेमु सान फालिदों

माजबात, 3 सेप्टेम्बर: राइज्योनि दाव-दाव जायगाजों लोगोसे उदालगुरि महकुमायाव अभिरुसि गेलेमु सानखौ खुंनाय जादों। उदालगुरि जिल्ला गेलेमु आफादनि बान्जायनायाव आरो उदालगुरि जिल्ला इउपिएलनि

(□ 5 बिलाइआव)



बिजनीआव फालांगियारि फसंथानफोरनि इन्जुराव असमिया बेरेखा, हिन्दु बेरेखा पस्टर होदों 24 घन्टानि गेजेराव दायनिगिरिखौ हमनो खावलायदों आसुआ



बिजनी, 3 सेप्टेम्बर: चिरां जिल्लानि बिजनीनि भेटागाव-

देउकुपारआव सासे गलादारनि इन्जुराव सोंखारिजाथाव रावजों

पस्टर होदों। जायगानि सुबुंफोरा सन्देह खालामनाय बादिब्ला

समबारनि मोनायाव सोंखारिजाथाव असमोया-हिन्दु बेरेखा गुफुर लेखा बिलाइआव लिनाय पस्टरफोरखौ फांथेनाने दोननाय गलानि इन्जुराफोरनिफ्राय बोखारनो मोनदों। गुफुर लेखा बिलाइआव आखायजों लिनाय पस्टरफोराव 'असमोयानि दादागिरिया सोलिया', 'मिया

(□ 5 बिलाइआव)

तामुलपुरआव अभिरुसि गेलेमु सान फालिदों



सुजुगिरिनि खोलोम बर'फोरनि गोनां मुवा औवा

बर'याव फंसे राव दड- उन्दैयाव सि गानो, देरोव्ला लंथं जायो। -औवा। बर'नि जिउ खुंनायाव एंगारजायै मुवानि गेजेराव औवानि बिहोमाया बयनिबो गोजौसिनाव। बेखायनो बुंनाय जायो बर'फोरनाव औवानि हारिमुवा जोबनो गैयै एग्रे-बेग्रे। बाथौ थानसालि दुमनायनिफ्राय लानानै ओंखि जानाय मेवाइ, न'-बां लुनाय जेरावबो औवा नडब्लानो राहा गैया, औवा गैयाव्लानो बर'नि राइजो जानांगौखौ आस'खान्दा नुहरो।

ना सानो सेन, खखा, थखा, सेन्द्राय, जेखाइ, खबाइ, बोरसि दान्दा; मैहुरनि थाखाय जं-बोलां, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरन्नायनि थाखाय बन, खादौ, सांगं, दानाय-लुनायनि सोरखि, दाडनाथा, बौदांगि, गनसि, सेवारि, खादिनि, खुन्थिया, रासो, न'-बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिङि जेरावबो जेरैबो औवानि गोनांथि जायो बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबे दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो।

गोदोनि समाव गथ' जोनोमनि उनाव उथुमाय हास'नाय खाथिनिफ्राय गोथै बानगारनाय समसिम औवा नडब्लानो बर'नि हारिमुया आबुं महर नुजाया। औवानि बेफोर गुन आरो गोनांथिखौ नायनानै औवानि आबाद खालामनो नागर बर'फोरा। औवानि बेसेन बारायग्लाबनो लानायाव बारिनि औवा सुबाखौ दानग्लुंनानै लांदां खालामनो लादौब्लाबो जौनि ओन्सोलनि गामिफोरा दासिमबो औवा बारिजौं ग्रीम ग्रीम। औवानि गोनांथिया बर' राइजो जानाय हारिमुयाव गोनांथार बिफाव लानानै फेदौं आरो इयुनावबो थाबाय थागोन। फालांगियारि बिथिङै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय। दासान्दि जौगा जोलैनि औवा जोलखौ बाइदि बिथिनिफ्राय औवा बागान खालामनायनि थुलुंगा लाबोनाय नुनो मोन्दौंमोन औवानि इयुन जोलैनो बर'नि औवा हारिमु आरो राइजो जानायाव गोनां जानायखौ रेस गालानो बर'साफोर बाहायग्रा औवानि आइजै-आइला हेबनाय-दानाय सोलौनाय-फोरौनाया गोनां।

गोजौसिन बिजिरसालिया राइज्यो सरकारफोरनो गोखै गारि सालायनायखौ होबथानो बिथोन होदो

गोदान दिल्ली, 3 सेप्टेम्बर: गोजौसिन बिजिरसालिया समबारखालि गासैबो राइज्यो सरकार आरो जुथाइ हायुं आवथाफोरनो मटर गारि आइननि धारा 136 ए खौ बाहायनो बिथोन होदो। बेयो गोखै खारनाय मटर-गारिफोरनि इलेक्ट्रिक नायदिनायनि राहा खालामो। बिजिरसालिया बुंदोमोनदि, बेनि थांखिया राजालामा आरो नोगोरारि लामाफोराव लामा रैखाथिखौ बांहोनाय। जास्टिस अभय एस अका आरो आगस्टाइन जर्ज




मसीहनि मोनसे बेन्सआ तामिलनाडु, कर्नाटक आरो दिल्ली, बंगल, महाराष्ट्र, केरलाखौ 6 डिसेम्बरनि सिगां बिजिरसालिखौ मटर भेहिकल

एक्टनि नेम 167 ए खौ फरायजानाय धारा 136 ए खौ फालिनो लानाय आयदाफोरनि बागै फोरमायनो थिन्दोमोन। बेयो बुंदोमोनदि, राइज्यो सरकार आरो मिरु। हादरसाफोर चालान जारि खालामनो थाखाय इलेक्ट्रिक आयजै'फोरनि बाहायनायनि सायाव थिरांथा लानायनि उनाव बेखौ रोखा खालामगोनदि, इलेक्ट्रिक आयजै'फोरनि फुटेजनि सायाव बिथा खालामनानै मटर गारि आइननि राहाफोरखौ सिफायनायनि थाखाय जुरिमाना फोनांनय जायो। राइज्यो सरकारफोरा गोजौ खैफोदगोनं आरो रोजा सुबुं अनजिमा थानाय जायगाफोर आरो गोनांथार राहाफोराव हायुंआरि आरो राइज्यो राजालामाफोराव इलेक्ट्रिक आयजै'फोर फ जनायखौ रोखा खालामनांगौ। बेयाव बाडाइसिनाव से मिलियननि बांसिन सुबुं अनजिमा थानाय गाहाय नोगोरफोरबो थाफानांगौ।

त्रिपुरानि भारत-बांलादेश सिमनानिफ्राय सासे लाइमोननि गोथै सह' बोखानानै मोन्दो

आगरतला, 3 सेप्टेम्बर : सिमना रैखाथि हान्जा (बिएसएफ) आ थानाय समबार खालि सा त्रिपुरानि भारत-बांलादेश सिमनायाव सासे हिन्जावसानि गोथै सह' बोखानो हायो। थैनायनि बैसोखौ गासै 16 बोसोर होना मिबथिनो मोन्दो। सहखौ उनाकति जिल्लानि कैलाशहरयव थानाय लतियापुरा सिमना आउटपस्टनि खाथियाव मोन्दोमोन। जागायजेन्नाय नायबिजिरनायजौं लोगोसै गागि पुलिस बिबानगारिफोरा जाथाइ जानाय जायगायाव दावबायो आरो मेजिस्ट्रेटनि नुजाथियायाव गोथै सह'खौ पस्टमटैमनि थाखाय कैलाशहर जिल्लानि देहा फाहामसालियाव नायबिजिरो। माखासे मिडिया रिपोर्टफोराव दाबि दैखानाय बायदिव्ला, बिखौ बडारि गाई बांलादेश (बिजिबि) नि सान्थिरफोर गुलि गावदोमोन, बेटेलियननि बिएसएफ मावसुमाफोर कै लाशहरयव



इराननि पुलिस स्टेसननो खौरं होयो। फेरैन्सिक नायबिजिरनायजौं लोगोसै गागि पुलिस बिबानगारिफोरा जाथाइ जानाय जायगायाव दावबायो आरो मेजिस्ट्रेटनि नुजाथियायाव गोथै सह'खौ पस्टमटैमनि थाखाय कैलाशहर जिल्लानि देहा फाहामसालियाव नायबिजिरो। माखासे मिडिया रिपोर्टफोराव दाबि दैखानाय बायदिव्ला, बिखौ बडारि गाई बांलादेश (बिजिबि) नि सान्थिरफोर गुलि गावदोमोन, बेटेलियननि बिएसएफ मावसुमाफोर कै लाशहरयव भारतयारि ओन्सोलाव हाबनो

सिबिआइनि ब्रैथि चार्जिशिटयावबो केजरिवालनि हेन्थायै हियारिं जासिगोन

गोदान दिल्ली, 3 सेप्टेम्बर : दिल्ली जौ गेना-खान्थिजौं लोब्बा गोनां सिबिआइ केसआव गिवि मन्थि अरबिन्द केजरिवालनि दिने बिजिरनायनि जोबथा सान। बेबायदियाव सिबिआइआ दिने मंगलबार खालि दिल्लीनि गिवि मन्थिखौ राउज एभेन्यु कर्टआव दिन्थिनानै बिनि जिम्माखौ बांहोनो आर'ज गाबो। बेराफारसे केजरिवालनि उकिला बिनि जामिननि थाखाय दाबि दिखंगोन। बे केसआव सिबिआइनि फारसेनिफ्राय थिसन्याय ब्रैथि अजद लाइनि सायाव राउज एभेन्यु कर्टआव दिने हियारिं जागोन जर'खायै बिजिरगारि कावेरि बावेजनि बिजिरनाय केसनि हियारिं होगोन। मख'नो गोनांदि,



सिबिआइ अरबिन्द गिवि मन्थिखौ बे बोसोरनि 21 के जरिवालखौ थानाय 26 जुनआव ग्रेटर खालामदोमोन। आथिखालाव बियो बिजिरनायनि जिम्मायाव दिल्लीनि तिहाड जेलाव जोबथेजाना दड। बेरा फारसे जौ गेना-खान्थिजौं लोब्बा गोनां इडिनि केसआव बियो सुप्रिम कर्टनिफ्राय इन्टरिम जामिन मोनखांबाय। इडिया दिल्लीनि

आसाम पुलिसआ इन्भेस्टमेन्ट खेलेंखारिनि दायनिगिरिखौ नायबिजिरनो जागायबाय



डिब्रुगड, 3 आगस्ट: आसाम पुलिसआ कौटि रॉनि रां थिसन्याय जाखल 'नायाव लोब्बा थानायनि दायआव डिब्रुगडनिफ्राय सासे 22 बोसोर बैसोनि सुबुंखौ खादो। फुकननि सायाव अजद होनाय जादोदि, बिथाड स्टक मार्केटआव रां थिसन्यायाव बांसिन मुलाम्फा होगोन होना रोजा-रोजा सुबुंफोरखौ थगायदोमोन। पुलिसनि बायदिव्ला, फुकननआ भुगिनांनयफोरखौ मुलाम्फा होगोन होना आरो गावनि सानथांखिखौ फोथायनो थाखाय नटाराइञ्ज फोरमानलाइफोर होदोमोन। बिथाड अजद होनाय बायदिव्ला गावनि मुलाम्फानि थाखाय इक्विटी हाथाइयाव रां थिसन्दोमोन आरो गाव मोनब्रै कम्पनीफोराव थिसन्दोमोन। फुकननखौ हमनायनि अनगायैबो पुलिसआ खेलेंखारिजौं सोमोन्दो थानाय स्वपनिल दासखौ गुवाहाटीनिफ्राय हमनो मोन्दोमोन। नायबिजिरनाया गोदाने असमीया फावखुमि आरो करिय'ग्राफार सुमि बराखौबो नायबिजिरदोमोन। पुलिसआ फोरमायदोदि बराया बे खेलेंखारिजौं लोब्बा थानो हागौ। रिपर्टनि बायदिव्ला, बराया फुकननिफ्राय गोबां बिबानि रां आरो बेसेनगोसा अन्थोब मोन्दोमोन, जानो हागौ थगायसुला खामानिफोरजौं सोमोन्दो दड। उदयपुरआव बरानि बावैसो सिगां जानो गोनां जुलि, जायनि थाखाय कौटि-कौटि रां खरसा जानायखौ सन्देहखौ खालामदोमोन। पुलिसआ बराखौ सोलु सौंनो नाजगासिनो दड, नाथाय बिथांजौं सोमोन्दो लानो हायाखैमोन मानोना बिथानि मबाइल फनआ बन्दमोन।

मणिपुरनि मेइतेइ गामिखौ नोजोर होनाबै इनजौं गाग्लोबबावदौं, सा 3 जोखोम

इम्फल, 3 सेप्टेम्बर : मणिपुरनि सोनाब इम्फल जिल्लानि संजाम चिरां गामियाव थानाय समबारखालि बेलासि समाव इन गाग्लोबनायाव सासे लाइमोनजौं लोगोसे सा 3 नोगोरारिफोर जोखोम जायो। सासे पुलिस बिबानगारिया फोरमायनाय बायदिव्ला, गासै 7 रिंगायाव इनजौं बम गावनायाव जोखोम जानाय सुबुंफोरनि गेजेराव वाथम सनातम्बी (23) आरो बिनि दुइसिन फंबाय डाब्लिउ सनातम्बी (20) आ दंफायो। बेराफारसे, 23 बोसोर बैसोनि सासे गेलेगिरिनि उदैयाव खामनायनि दागो नुदोमोन। बिथानि बायदिव्ला सा 3 जोखोम जानायफोरखौ सिगांयाव रज मडिसिटियाव लानानै थानाय जायो आरो



उननि फाहामथाइनि थाखाय इम्फलनि शिजा देहा फाहामसालियाव ट्रान्सफार खालामो। बे जाथायनि उनाव रैखाथि हान्जाफोर सोनाब इम्फल आरो कांपकपि जिल्लाफोरनि सिमनाजौं नाजाबनाय दुंहाव ओन्सोलफोराव अपारसन सालायो। बे नागिरनाय हाबाफारनि समाव कांपकपि जिल्लानि खरम वेफेइनिफ्राय गंसे इन बोखानो हायो। दासान्दि बे जाथायनि लोब्बायाव सासेबो ग्रेटर खालामाखै। पुलिसनि बायदिव्ला, सन्देह'खालामथाव कुकि बिग्रायारिफोरा सोनाब इम्फल आरो सान्जा इम्फल जिल्लाफोराव थानाय मेइतेइ

छत्तीसगढनि दंतेवाड़ा जिल्लायाने रैखाथि हान्जाया सा 9 माउबादिफोरखौ गावथारदौं



जगदलपुर, 3 सेप्टेम्बर: छत्तीसगढनि दंतेवाड़ा आरो बीजापुर जिल्लायाने दिने रैखाथि हान्जा आरो माउबादिफोरनि गेजेराव मोगा-मोगि जायो। बे एनकाउन्टराव सा 9 माउबादिफोरा जिउ गोमानायनि खौरां मोन्याय जादो। सिमा ओन्सोलाव नकसालिफोरखौ फोजोबसांनो अपारसनआ दासिमबो

हाबाफारनि समाव कांपकपि जिल्लानि खरम वेफेइनिफ्राय गंसे इन बोखानो हायो। दासान्दि बे जाथायनि लोब्बायाव सासेबो ग्रेटर खालामाखै। पुलिसनि बायदिव्ला, सन्देह'खालामथाव कुकि बिग्रायारिफोरा सोनाब इम्फल आरो सान्जा इम्फल जिल्लाफोराव थानाय मेइतेइ सोलिगासिनो दड। फारनैथिनिफ्रायबो गुलि गावगासिनो दड। गासैबो रौनियाफोरा रैखाथियै दड होना खौरां मोन्याय जादो। सोनाब बस्तर खोन्दोनि नकसालिफोर थानायनि खौरां मोन्याय मोनसे जुथाय पुलिस हान्जाया नागिरनाय हाबाफारि लादोमोन। बे समावनो नकसालिफोरा गुलि गावनो हयो। रैखाथि गोहोफोराबो फिन साजा होजागासिनो दड। फोथायनाय जायोदि सा, 65 माउबादिफोरा 5 निफ्राय 7 किल'मितरनि हाग्रा ओन्सोलाव थाखोमानानै दंमोन। खौरां मोन्याय दंतेवाड़ा आरो बीजापुर जिल्लानि पुलिसआ गुबुन रैखाथि हान्जाफोरजौं लोगोसे अपारसनखौ जागायदोमोन। रौनियाफोरा मोनायाव जाथाय जायगायाव सौहैदोमोन आरो बेनि उनाव फुङव एनकाउन्टरआ जागायजेनो। मावख'आरिफोरनि बायदिव्ला, एनकाउन्टरआ दासिमबो सोलिगासिनो दड। एनकाउन्टर जोबखानायनि उनाव पुलिस दोलोनिफ्राय आबुं खौरां मोनगोन। गोबां अनजिमनि नकसालिफोरा जोखोम जादो।

दिनेनि फान्जामुथि

राशि बाइदियै मुनि गिबि हांखो
मेघ : अ ल वृष : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ठ (ण ष)
तुला : त र वृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

- मेघ: बेफार फालांगि मावनायाव रंखावरि मुलाम्फा मोनो हागोन। दिनेनि सानआ मोजो।
- वृष: मोजां रौंगथि जानो हानायनि थाखाय सन्मान मोनो हागोन। मोजां सान।
- मिथुन: मानिबा जाहोनाव रंखावरि खहा जानो हागौ। गोसोखौ शान्ति मोन्नाय नड।
- कर्कट: सानाय जाफुडेनि थाखाय गोसोआ बायफलेलांनो हागौ। गोसोखौ हमथा।
- सिंह: माखौबा लानानै नख'रआव दावराव-दानसि जानो हागौ। गोसोखौ हमथा।
- कन्या: माबा मोनसे मुवा-बोसाद मोनो हागौ। गोजोन मोनगोन। मोजां सान।
- तुला: सरकारनि सांखि मावनायाव जौगानायखौ मोनो हागोन। मोजां सम।
- वृश्चिक: मानिबा रौंगथियाव देरहासार जानो हानायनि मान मोनो हागोन। गोजोन मोनगोन।
- धनु: सोरजौंबाफोर बायदिसिना होनानै सौंखारि जानो हागौ। जेरिख जाया गोसोखौ हमथा।
- मकर: सोरनिफ्रायबा माबाफोर अन्सुथाय मोनो हागौ। मुलाम्फा जागोन। मोजां सान।
- कुम्भ: जेरिख जाया खामानिखौ मावनो गोसो जानाय सोमजिनो हागौ। मुलाम्फा आरजिनानै लानो हागोन।
- मीन: मोनाबिलिनि 10:00 रिगानिफ्राय माखौबा लानानै जिगा सिनांनो हागौ। गोसोखौ हमथा।

सुंद'सल'

सा

गुबुन जायगानिफ्राय सासे इलिस राइज्जायग्रा मानसि फेदोमोन। बियो हिन्दी, हारसा, बर' जेबो रोझमोन। सिबाय बड'लेण्डाव फेदोमोन। आरो सिबाय साखि नागिरनोसो फेदोमोन। थिक बे समावको सासे बर' सेंग्रा लोगो मोन्नायसे। अब्ला मोनानि जिने (12) बाजिबायमोन। रावबो गैयामोन ग्रासिबो मानसिफ्रा उन्दु जोबबायमोन। बे सासे बर' सेंग्रायल' जौ फेनाने फेगासिनो दंमोन। बे समावको इलिस राइज्जायग्रा आरो बर' राइज्जायग्राजो सौदावलायनाने गोर्लेंयो। आरो इलिस राइज्जायग्राया बर' सेंग्रायल' सोडो हु आर इड अब्ला सेंग्रायाबो इलिस बुजिया। थेंवबो बे सेंग्राया जानला मोनला बुडे, थोथ आं नथ गु अब्ला इलिस रायज्जायग्राया बुजिया बिनिखायनो बियो सोंबाबो हवाथ इस इडर नेम अब्ला बियो इसे बुजिनाने बुडे माय नेम जयला आरो जयलाया नाम खिथानाने, गावबो सोडो हवाथ नेम इड। अब्ला बिबो बुडे माइ नेम इस जनसिना। अब्ला जयलाया बिखौ बुडे, ग' ग' इड ग' हियार; अब्ला जनसिनाया बुडे, हवाइ आर इड थिक लाइक डिस्। अब्ला जयलाया

सानो बियो आंखौ खिस होनोसो बुंबाय। बिदि सानाने जयलाया बुडे, ऐ आइ एम नथ लेडिस अब्ला जनसिनाया मिनिनाने बुडे, हाड डु इड डु अब्ला जयलाया रागा जॉनाने बुडे, खांखला बादानि लाडु।

साननाने गावबो बुडे, केके बाय आइ ग' ग' नाव बेबादि बुंलाइनाने थालायलायो। बेबादिनो दान मोनने जाबाय। जयलाया स्टेसनआव खामानि मावदोंमोन। जयलानि

नुवा नुस्लाबा थपलाखौ दिखाना लांबाय थायो। अब्ला जनसिनाया बेखौ दोननो थिनो आरो फेसा हरनो नागिरो अब्ला जनसिनाया बेखौ नुनाने बुडे इड जयलाया गु होन्नाय खोनाना फेसाखौ लानाने थाडे।

इलिस मास्तार आरो बर' मास्तार

बेबादि बुंनाने जयलाया थानो नागिरो। अब्ला जनसिनाया बुडे, फिलस दन ग' अब्ला जयलाया बुडे, गगरे ग दाउला बेरग' जन सिनाया बुजियेखाय जयलाया सोडो, हवाथ आर इड थिक अब्ला जयलाया लामायाव जिरायनाने बुडे, आं नथ स्मकिं अब्ला जनसिनाया बुडे, न न आइ सेद हवाथ आर इड थिक जयलाया रागा जॉनाने बुडे नॉसिनि नोमा-नोमफानि खर मेलेमथिं। जनसिनाया मा बुंखो साननाने बुडे, जयला आइ एम नथ आनदारस्थेन अब्ला जयलाया बुडे, जनसिना नॉसिनि नोमफा सालाइग्रा साइकेल बोरायनि स्थेन।

बेबादि राइज्जाय-राइज्जाय फुं नि बा (5) बाजिबाय। मानसिफोराबो साफा साने ओंखारबाय। बिनिखायनो जनसिनाया जयलाखौ फसे बाभ्रा बुडे, अके बाय जयला आइ एम गथिं नाव। अब्ला जयलाया मा बुंखो

खामानिया मानसिफोरनि थपला दिखानाने ट्रे नआव दोनहै नांगोमोन। थिक बे समावको जन सिनाया गावनि खामानि जोबनायखाय नआव थानो फेदोंमोन। आरो जनसिनाया गावनि थपलाखौ दिखानो थाखाय जयलाखौ लिं हरो। नाथाय बियो सिनायाखेमोन। जयलाआबो

अब्ला जनसिनाया बुडे इड सेथाब बय होनबा जयलाया इसे खोनानाने बुंहरो इड लाइफ बय जनसिना होनना जयलाया थाडे। आरो जनसिनायाबो ट्रेनआव गाखोना थाडे।

फेखन बसुमतारी
जिला- कराझार बिटिस



मोकथां मुलुगआव गावखौ
होखोमा होखोमा
दावबोयो सान रोदाया,
सुबुं जिउनि बेसेन गोसा
बुब्बिलयाबो थाबाय लाडे
गोथों लामाजों
गुबुनखौ मिबथिया जासे!
गावनि आखुखौ लाना
सुबुं जिउनि सिमांआबो
सिमां बायदिल' बाबेन लांदों,
सोर्खिनि गिदिनाय बादि
दुखु-सुखुनि जाथाय फारिजों
आगोमा जिउआबो बेरे रूनाय बायदि
रूग लांदों सिरि-सिरि
अखा मोफ्लामनाय बायदिल'
भावथिना गेलेफेदों
सोरनिबा थिनायाव दान्दिसे!

लब' कुमार नार्जरी
गामि- स्वा वेलगुरि
ला: सो:- आप्लागाव
जिल्ला:- कराझार (बिटिस)

द्वैज्जालांआ सौफेबाय

मुक्ति मिथिसार ब्रह्म

द्वैज्जालांआ सौफेबाय,
ग्रं-ग्रं गोजू लाथिख' नख्रामानिफ्राय
भुहुम बिखायाव जुब-जुब अखा गोगलैबबाय!
जेरावबो जेबैबो दैन बिसिना बग्लबजोबबाय!
एम्बुफोरा बिआवनो थाना उदां-गेबैडे गारां
हगारसारबाय,
उन्दुगादुरा मिथिंगा बिखाआ गोदाने सिरि मोनखांबाय
बर' फिसा आबादारीफोरनि गोसोआव जाखिखांबाय
उदां दुबुलिबारिआ आबादारीफोरजों फिन आबुडे
बुंफबबाय।
आबादारीफोरनि फाथं-थं गामसा गानना, खफ्रि हमना
एरैबो है-हा, हैरैबो है-हा
मोसौ होगदिनायजों
एरैबो थे-थे हैरै थिंजायबो थे-थे
नांगोल खेंख्राखौ बुगार्थिबायनायजों
हाबाव.....
गोमसारथारदों जैरैथिंजायबो आबुडे बर' गामिया,
बेरखांथारदों बर' नि हारिमुबा।
अदां, हामो, दुमफेमोननि
खर' आव सिथि फान्थाव-थाब खाथवना
फैखौ-फैखा फाथं-थं दखना गान्ना
गोसो मन होसारना
दुबुलिबारिआव खोथिआ फुनायाव, माइ गायनायाव
द्रा-द्रा हानाय अखा
आरो सिउ सिउ बारनाय बाराबो
आय'.....!
हाथाराखिसै बिसोरखौ सिग्लब होनो गोजं होनो,
हायाखिसै बिसोरखौ बुबार्थिखारनो, फेजेनो!

इजालि गथ'फोरनि सौरा

आबौ

आबौआ जॉखोल सिमां लाना
थाजोर थं नागिरना
मोनबाय सिमांफुरि,
फैलाव अखाखव दिन्थिगोन
गोदोखौ सुंग्रिखांहोगोन।
संसाराव जिउ खुबोनायाव
गारबोनाय खबामखौ सुजुना,
अननायखौ हास्थयना
खामगिलाय अरखौ दासुफिन।
सुंग्रिखांथिआ खायसो खालामफेयोब्ला
थरथिसे मेगन मोदैं हुगारना
सिमांफुरियाव सुसां हैदों,
सुखुफोरा बरादाव गैयामोन
नाथाय - दुखुनि सौरायाव
बराद गैये दासान
बेनो जिउनि जॉखोल लामा।
जुलि जानायनि साखिआ
बै सिजौ गुदिआवमोन,
बैदासि जानायनि आगोलाव
दाउखिया गाबोमोन अराय फुडव
फोरेउआ गाबोमोन उखुम मुदायाव
दाउथुआ गेलेयोमोन बेलासि समाव।
फिसाज्जाया गुबुन हालामाव
जुलि जानाय फिसाजोआ
मुखुब गावनि संसाराव,
समा थादों हालो दैलो
बोधोरा थादों खोन्दो खोन्दो
हारसिडे आबौनि जोवथा बैसोआव।
बुब्बिलि दाहारा
खालामबाय लेथेर फेथेर
बेसेन गैये जाबाय सोम्फोदा,
थाना थानायनि हाबिलायाव
उन उन होसो लाना
गोमजोरा गोसोखौ खुदुम लांवाय।
आबौआ दिने सिमांफुरियाव
जोबनो गैये सुखुनि थागिरि,
आबौ -----
नों जोहोलाव बै बोराइ सालिनि
दावहारु नों - जिउ लामानि
बोहैथि नों - गोदोनि आरो दानि
मोन्सा मोन्सि गैये सुबुं फोरनि।
आलो आलो थांबाय सिमांफुरियाव
नंगोमोन नों आबौ --
अराय सांग्रिथ थार लामानि
गियाननि बाखि गोदान मुगानि
फाखि बिफां नों - अनफावरु महरनि।

पबित्र ब्रत देमारी
गलाघाट

आं दा सोलायबाय

बियो आं नख
जायखौ नों दा नुदों,
आं दा गोबां सोलायबाय
मुलुगा सोलायनाय बायदिनो।

आं नलिया सोद्रोम आखुनि
दायो आं सोलौंबाय गाङ्गि आखु
जायखौ रावबो नुस 'नाखे दिनेसिमबो
नखरनि बयबो सानखायो आंखौ मोजां होनाने।

आं आं नख आं सो
बे आनि गोजाम बानबुंथि
अनजालिनि सिगाखव बुंथिनाय राव
दायो आं जेबो सानहरलिया उननि बाभ्रा।

सिमां मिजिफोरा बायफलेलांबाय
आरो, आरो गोमोरलांबाय समायखिरा
गोजान लामा हास्थिनायनि रादायफोरा दिने थुंगेबाय
आं दायो, दायो हारसिडे गोजावनाने दं हारसिनि लैथोयाव।

बियो आंखौ थ'गायलांबाय
लामा स'सेयाव आं दिने हारसिडे
दुखु - रुखु मोदैजों सुनाने होनो नाजादों
रजेनि ज'पसे आथि मोदैनि थरथिंफोरजों।

बियो आरो गिदिफिनलिया
मानोना बिहा दसे गुबुन अनसुला,
दिने, दिने आं बि नख जायखौ नों नुदों
आं दा जावलिआ फागोला बिमुनि सासे दावबायारि।

गलाप खुंगुर बसुमतारी
कराझार

आरो बेसे नेनो नोंखौ

गोसोनि बागानाव
नुजाफेयो नॉनि
सावगारि बोनो
लांदां गांसे खाखोरखौ
जिउ होनो आबिब गोनां,
आं मिजिथियो
नोंखौ बिबारनि माला
सुजुनायखौ गानहोने
बायहाजार थपला नोंजों
गोबाव समनिफ्रायनो
गोसो थोलायनायनै, आं लामा नायो
आधोननि सनासि बिदां
मारयनि दुब्बिल आवबो
गोमखां लायो रजेनि,
मोदोमफ्रु जंखायलायनाय, लाइमोनफोरनि,
सावरि बादालि बेसे समायो
सानसेनि बारलानाय
बोथोरनि बिबारफोरा
सोरमियो सिरियो, लह्लायो सम सनाने बिदिनो
नोंबो मोन्थियोदा, बिसोरनि मेल
नोंनि जुनैनो आं लांगोना
जों नायहरो नोंखौ फेगौबा फेगौबा
आनि गाथोनाव हास्थयनाय
नों फै सानसे --
आरो बेसे नेनो नोंखौ
रजे, रजे,....

इउनसा बर'
अरां, अदालगुरि

खबाम गैया नों दसे सम गैयाब्ला

सिमा गैयि आनि अननायनि गोथौ लैथो
हाया गैयाब्ला बारनि खोलो-खोलो
दड जिरायना दाबोने नोंखौ नेनानैने
फैलासेमनि बिखायाव हां हगारनो।

नों गोमोदों नखसै गाङ्गि आखुनि नना
नों रुजुदों नखसै जिउनि आगर एरना
हने ओंखारदों आरो दोबैदों सोरानि लामा
दोनदों गोसोयावने गोसोखौ बुजायना।

गाबो रुखु-रुखु दैथुनि दाहार दैवथिनायाव
थेनि महदैदि आनि मेगाननि जालामा
होथेयो आनि बै सोरानि दोंफ्रोमबो लामा
अमबासि नोजोराव आरोदि गैया नॉनि गुमुर्।

दैलाव दैनि गेजेराव आनि गोसोनि गावनाय
आलासि जिउनि बे थैनायनि फारिलाइ
गैया सावसिनि थाखाय आदारनि जिगा
रानथोबनाय बालानि गोरान महरनि।

मैगिलनाय देहा, साथ्यौजों नॉनि जिगा
हागोनदाबि नॉनि अनगा थाना थानो?
हागोनदाबि नॉनि अनगा दसे सम बारहोने?
बुहुमा बेलथाइथौं थैवबोदि आं नॉनि 'सो।

निन्द बसुमतारी
काशिकत्रा (कुमगुरि), चिरां

मिजिगोनां गोसोआ नागिरबायो....

मिजिगोरा लामा हास्थियो
जिउनि थुलुंगा जानाने,
जिउनि मोजां लामा नागिरो
मोजां गोसो अराय थुलुंगा मोन्ने।

प्रदिब रामसियारि
सा ढेखियाजुलि, सनितापुर

हास्थयनाय गोसो मिजिंखौ लानाने
हास्थायसुला गोबौआ नेनाने थायो जेब्लायाव
गोसोआव मोन्दाथि थारै फोथायथि लानाने
जाफुंसारनाया सानसे रोखा जाथौं थाखिनि,

मिजिं गोनां गोसोआ नागिर बायो जिउनि ओंथि
सिरियै गोसोआव जथुमनाय गोबोनि जलंगा लानाने
सिरियै थाखुमानाय नुस 'मोने मिजिनि सावगारिखो नायनो
जिउ गोजोनि देरा मोन्ने हास्थयो बे बुहुमनि जोस्त्रांआव,

जायफोर मोजानि थाखाय
गोसो गुदुयै हाबा मावलाडे
जिउआ बिसोरनि गोजोण
निजोम बारहावनि थुलुंगा बिसोर सुबुनि

गोलाव सम बारलानाय उनाव
समनि आगारफोरा लामा नायजायो
जारिमनि बिलाइआव मोन्दाथि मुलुगानि
जिउनि लैथो बेसेबां गुवार गोथौ ओंथि गोनां।

रनजय मुसाहारी
कराझार

सलमान खान, कमल हासन आरो एटलि साथामजों जयै मोनसे गिख्रंथाव एक्शन सावथुन लाबोगोन

शाहरुख खानजों लोगोसे ब्लकबस्टर 'जवान' सावथुनखौ होखानायनि उनाव आथिखालाव एटलिया गावनि गोदान सावथुननि थाखाय मुखुब जाबाय । बेयाव बिथाख सलमान खान आरो कमल हासनखौ लानो थाखाय थांखि लादों । मिबथि होनाय जादोंदि, सानैबो सुपारस्टरफोर सावथुननि थाखाय रजि जाबाय आरो बिथांमोनहा एटलिनि बे सावथुनखौ लानाने जोबोद एक्साइटेड जादों । माखासे दान सिगांबो खौरगड फै दों मोनदि, एटलिनि बे सावथुननि थाखाय सलमान खान आरो कमल हासनजों लोगोसे सावरयनाया सोलिगासिनो दड । नाथाय आथिखालाव



गिदिर बाजेट आरो हाइ एक्शन सावथुननि थाखाय जोबोद एक्साइटेड जादों । मानोना बेयो एटलिनि सावथुन आरो गुबुन फारसेथिं गिबि खेब सलमान आरो कमल हासनआ सावथुनाव जयै खामानि मावगोन । अदेबानि दाबो सावथुननि मुडा थि जायाखै, नाथाय बेनि थाखाय ट्रेन्ड आरो स्क्रिप्ट टेकनिकल कु हायार लानाय जागोन । सावथुननि माखासे डिटेलसखौ दाबो रिभल खालामनाय जायाखै । अदेबानि, सलमान खानआ आथिखालाव एआर मुरगदासनि सावथुन 'सिकन्दर' नि शुरुटि खालामगासिनो दड, जाय इदिनि फोर्ब्सआ 2025 माइथायाव रिलिज जागोन । रिपर्टिनि बायदिल्ला, सलमान खानआ गरेगावनि एसआरपिफ ग्राउन्ड आरो मार्लिनि मोनसे देहा फाहामसालियाव माखासे गाहाइ सिक्वेन्सफोरनि शुरुटिखौ खालामगासिनो दड । बेवहाय बिथांनि एक्शन सिन्सफोर शुरुटि खालामगासिनो दड ।


बिथांमोननि मुडा थि जाबाय । बे सावथुना मोनसे हाइ अक्टने एक्शन थानाय सावथुन जागोन, जेवण सलमान खान आरो कमल हासनखौ गोखों एक्शन खालामनाय नुनो मोनगोन । सानैबो बेयाव लिड रल

जागोन । सावथुननि शुरुटिआ जानुवारी 2025 निफ्राय जागायगोन । अदेबानि प्रि-प्रडाक्शनआ अक्टबर 2024 निफ्रायो जागायगोन । कमल हासन, सलमान खान आरो एटलि बिसेर साथामजों मोनसे

सावथुनाव जयै थायोब्ला दोहो सोमजिहोगोनो रोखा । बे सावथुना बक्स अफिसआव गोबां रं आरजिगोन । सलमान आरो कमल हासनआ एटलिनि बे सावथुनाव इन्ट्रेष लानायखौ दिन्थिदों । आन्सायगिरिफोर बे

एपि दिल्ली'आ न'आव गावग्लुनाय जाथायनि उनाव इनस्टाग्रामआव मोनसे भिडिअ शेरार खालामदों

रेपर-देंखोगिरि एपि दिल्ली'नि कानाडानि न'आव गावग्लुनाय जाथाय जादोंमोन । बेनि दायखौ गावनोलरेन्स बिसनइ गैनि रहित गदाराया लादोंमोन । बिथांआ सशेल मिडियाआव पस्ट खालामदोंमोन आरो बेयाव सलमान खानखौबो रायखादोंमोन । बे खौरांजों बयबो टेन्शन जादोंमोन । अन्साइगिरिफोर देंखोगिरिनि थासाखिबो मिबथिनो थाखाय उसु-खुथु जादोंमोन । अदेबानि दा बिथांआ इनस्टाग्रामआव मोनसे पस्ट खालामदों आरो बेयाव मिबथिहोदोंदि, बिथांआ मोजाडैनो दड आरो बिथांनि सुबुंफोरबो मोजाडैनो दड । जायफोर आजों सम्पक लानो



नाजादों आरो आनि अबस्थाखौ मिबथिनो थाखाय नाजादों, बेसोर गासिखौबो साबायखर । सान्थियै था । आनिफ्राय नोंथांमोननिमिम जोबोनो गैयै अन्नायखौ जासिहरनाय थाबाय । बेनि अनगायैबो एपि दिल्ली'आ इनस्टाग्रामआव मोनसे भिडिअबो शेरार खालामदों, जेवण बिथांआ गावनि न'आवनो

गावनि देंखो 'सुइट फलावर' खौ रोजाबदों, जायखौ नायनायनि उनाव सुबुंफोर बूंगासिनो दडदि, खुसि मोनबाय जे नोंथांआ मोजाडैनो दड । सासे इजजारआ बुंदोंदि, आसा खालामदोंदि, नोंथांआ मोजाडै था । जुदि हायोब्ला नोंथांआ कानाडानिफ्राय

बायजोआव शिफ्ट जादों । गुबुन सासे इजजारआ सोंदोंदि, गुलिखौ माबोरै गावनाय जाया फेबाय । एपि दिल्ली'नि बावैसो सिगां सलमान खान आरो सन्जय दत्तजों लोगोसे देंखो फैदोंमोन, जायनि मुंआ 'अल्ड मनि' मोन । रहित गदाराया गावग्लुनायनि बिबानखौ लानाने बुंदोंमोनदि, 'राम राम जि गासिबो फं बाय बिदा मोननिमिम । 1 सेप्टेम्बरखालि मोनायाव कानाडानि मोनै जायगायाव फायरि जादोंमोन, जायनि मुंआ भिक्तरिया आइलेन्ड (बि.सि) आरो भुडब्रिज टंट । मोनैनिबो दायखौ आं रहित गदारा (लरेन्स बिरनइ गप) आ लायो । भिक्तरिया आइलेन्डनि न'आ एपि दिल्ली'नि, बिथांआ जोबोद फिलिं लागासिनो दड, सलमान खानखौ देंखोयाव लानाने, नॉनि न'आव फैदोंमोन जुदि नों बायजोआव फेयोमोनब्ला आं दिन्थिगोमोन आनि एक्शन खालामनाने, जाय आन्डार वार्ल्ड लाइफखौ नोंसोर कपि खालामो, जाय थारैनो थानाने दड बेबायदि लाइफखौ । नोंसोर नोंसिनि सिमायाव था नडाब्ला सैमा थैनाय बायदि थैगोन ।

अनुपमा सिरियाल नागारनायनि उनाव सुधांशु पान्डेनि आखाइयाव मोनसे गिदिर प्रजेक्ट फैदों



मुंदांका टिभि श्व अनुपमाआव बनराजन फाव दिन्थिग्रा फावखुंगुर सुधांशु पान्डेआ श्वखौ बिदाइ लाबाय । फावखुंगुरआ मोनसे भिडिअनि गेजेरजों बे खौरखौ फोसावदों आरो बेनि उननिफ्राय बितांनि अन्सायगिरिफोर जोबोद गोसो गात्रि जादों । अदेबानि बेनि उननिफ्रायनो खौरां फैदोंदि, फावखुंगुर सुधांशुआ सलमान खाननि श्व बिग बस 18 आव नुजाथिगोन । बबेखांनि दा बे गासैबो बाथ्रानि सायाव

होवथानानै बनराजआ गावनो बे बाथ्राखौ रोखा खालामदों । बिथांनि अन्सायगिरिफोरनि थाखाय मोजां खौरां । बिथाड रिप्लिटि टिभि स्टार आरो मुंदांखा फिल्म मेकार करण जहरजों लोगोसे मोनसे रिप्लिटि सिरिजआव नुजाथिगोन । सुलुंनि बादिल्ला, सुधांशुआ दा करण जहरजों लोगोसे एमाजन प्राइम भिडिअआव रिप्लिटि श्व दा ट्रेटर्सआव बाहागो लागोन । दा ट्रेटर्स मुंजों फेनाय बे

आसामनि मुंदांखा देंखोगिरिनि जुबिन गार्गखौ असमिया 'सिकार' सावथुनाव सासे टि अवारकारनि फाव दिन्थिनाय नुनो मोनगोन । 'कृष-3' नि माखासे मुंदांखा देंखोफोर 'दिल तु ही बता' गेस्तरनिफ्राय 'या आलि' नि थाखाय भारतनाडैनो सिनायथि जानाय जुबिन गार्गआ दा 'सिकार' सावथुनआव गाहाइ फावगिरि महरै नुजाथिगोन । बे सावथुना सेप्टेम्बर 2024 आव भारतनि सिनेमा हलफोराव

जुबिन गार्गआ असमिया सावथुन 'सिकार' आव टि अवारकारनि बिफाव लागोन



रिलिज जागोन । सिकार आलादा फावआव नुनो मोनगोन । अदेबानि बिथांआ

शंकर मुनि सासे टि अवारकारनि बिफाव दिन्थिगोन । बेयो

स्त्रि-2 सावथुना रं आरजिनाय बिथिडव 'पिके' निफ्राय लानानै केजिएफ-2 बायदि सावथुनखौबो उन खालामबाय

राजकु मार रावनि ब्लकबस्टर सावथुन स्त्रि-2 आ गिबि साननिफ्रायनो जांरिनिमिन सोरजिदों । गासै 50 कौटि रंनि बाजेटआव बानायजानाय बे सावथुना बक्स अफिसआव दोहो सोमजिहोदों । 2018 माइथायाव फेनाय सावथुन 'स्त्रि' नि उननिफ्रायनो बेनि

सिक्वेलेखौ सुबुंफोर नेनानै दडमोन आरो दा सावथुना रिजिज जानाय लोगो लोगोनो नायगिरिफोर थुबुन जादों । गिबि सानावनो सावथुना गोबां रेकडफोर सिमफायदों आरो दासिम लान्थियै सावसिन खालामनो हानाय सावथुन जाबाय । बे सावथुननि 19 थि साननि कालेक्शननि बाथ्रा



सावरायोब्ला बे सावथुना आमिर खाननि 'पिके' खौबो उन खालामबाय । बेनि अनगायैबो बे सावथुना केजिएफ चेप्टर-2 दंगल, एक था टाइगर बायदि माखासे सावथुनफोरखौबो 19 थि साननि कालेक्शनजों फेजेन्नो हाबाय । मोनसे रिपटनि बायदिल्ला, पिके सावथुना 19

थि सानाव गासै 4.02 रं आरजिदोंमोन, अदेबानि स्त्रि-2 सावथुना 4.19 कौटि रं आरजिन्नो हाबाय । गासै कालेक्शननि बाथ्रा सावरयनो थाडैब्ला बे सावथुना 484.24 कौटि रं आरजिबाय राजकुमार राव, श्रद्धा कापूर, पंकज त्रिपाठी, अभिषेक बेनार्जी आरो आपाशक्ति खुराना बायदि

फावगिरिफोरजों समायफलेनाय 'स्त्रि-2' सावथुन वार्ल्डवाइड कालेक्शनआ गासै 694 कौटि रं जाबाय । 19 थि सानाव बे सावथुना हादतनाडैनो गासै 578 कौटि रं कालेक्शन खालामबाय आरो गुबुन हादतआव बे सावथुना 120 कौटि रंनि साखाथियाव रं आरजिन्नो हाबाय ।

गाहाम देहानि राहा

माखासे फिथाइफोरनि जुसआ मोखाइव नेसुरेल ग्ल' लाबोनायाव मदत होयो



नेसुरेल ग्ल'नि बाथ्रायानो आलादा जायो । जेब्ला सुबुंफोर नोंथांनो मेकआप फुना जासेबो कमप्लिमेन्ट होयोब्ला नोंथाड गोबां गोजोनो जानांगो । दागो गैयै, स्लिम बिगुर, टमेट बायदि गोजा-गोजा समाइना खवलाइखौ गोबां मोजां नुयो । जुदि नोंथाडबो बेबायदि स्किननि सेक्रेट फर्मुलाखौ हास्थायोब्ला नोंथाड गावनि छइएटआव माखासे जुसफोरखौ लाफादेरनो हागोन । (1) बिटः बिटआव माखासे निउटिसन मोन्नाय जायो । बेवहाय थानाय पलेटआ स्किन सेल्सखौ बांहोयो । बिटामिन सिआ बैसो बांनायनि गोहोमखौ बाइइ खालामो, बिगुर थननायखौ जानगर खालामो । (2) गाजरः गाजरआव थानाय बिटा केरटिनआ बिगुरनि डेमेज जानायनिफ्राय रेखाथि होयो ।

(3) आपेलः आपेलआ एन्टी अक्सिडेन्टजों बुंफबनाय जायो, जाय तिश्यु डेमेजखौ होवथायो । बेखौ जुसआव लाफादेरनायजों बिगुरआव कलेजम आरो इलास्टिनआ बाडो । जायजों नोंथांखौ लाइमोन नुयो । बेनि अनगायै बिटामिन ए, बि कमफलेक्स आरो सिआ स्किन पेक्ससारखौ सोलायनायनि खामानि मावो । (4) हार्लैः हार्लैआव थानाय कर्किडमिन्टआ बुखानायखौ बाडाइ खालामो । बेखौ

बिगुरआव फुन्नाय एबा जात्रा आदाराव लाफादेरनायजों दागो जानायफोरनि जेनाया जानगर जायो । लोगोसेनो नेसुरेल ग्लखौ मोन्नो हायो । (5) आमलाइः आमलाइयाव भिटामिन सिखौ मोन्नो हायो, जाय बैसो बांनायावबो गोहोम खोखलैनो हायो । आमलाइजों थैआ साखोन-सिखोन जायो, जायजों मोखाइव दागो, सिथरनि जेनाया जाया । लोगोसेनो पि रेडिकलेसनफ्रायबो रेखाथि होयो ।

क्राइम मास्टर गग' (शक्ति कापुर) आ गावनि 72 थि जोनोम सान फालिदों



बलिउड सावथुन मुलुगनि 'क्राइम मास्टर गग'आ 3 सेप्टेम्बरखालि गावनि 72 थि जोनोम सान फालिदों । मिडिल क्लास नख 'शव जोनोम मोन्नाय शक्ति कापुरनि सावथुननि जारनिया इसेबो गोरलै नडामोन । बेनि गेजेरजोंबो बिथांआ 700 निखुइ बांसिन सावथुनफोरखौ खामानि मावबाय आरो फिल्मफेयार बान्थाबो देहादों । शक्ति कापुरआ इन्डास्ट्रियाव नेगेटिभनिफ्राय लानाने कमेडिसिम गोबां मोजां रल खालामनाने गावनि गोहेजों आरो रंग थिजों मुंदांखा जादों । बिथांआ बांसिन सावथुनावनो भिलेननि फाव दिन्थिदों, नाथाय शक्ति कापुरआ सावथुनफोरखौ गावनि कमिक टाइमिनि थाखायबो बुहुमनाडैनो मुंदांखा । 1980 आरो 1990 जौथायाव शक्ति कापुर, फावखुंगुर आसगरनि आरो कादेर खानजों लोगोसे 100 निखुइ

बांसिन सावथुनफोरखौ खामानि मावदों । फावखुंगुर शक्ति कापुरआ 2011 माइथायाव भारतनि रिप्लिटि र्ब'बिग बस 5 आवबो बाहागो लाखाबाय । बे बाथ्राखौ जोबोद खम सुबुंफोर मिबथियो । शक्ति कापुरनि नुंये मुंआ सुनिल सिक्करलाल कापुर । नाथाय सन्जय दत्तनि बुंनायाव बिथांआ गावनि मुंखौ सोलायनाने लादोंमोन । जेब्ला शक्ति कापुर

सन्जय दत्तजों लोगोसे सावथुन 'रकि'आव खामानि मावगासिनो दंमोन, बे समावनो सन्जय दत्तआ बिथांखौ बुंदोंमोनदि, सुनिल सिक्करलाल कापुरनि मुंआ बिथांनि पारसेनेलिटिजों गोरोबा । 1975 माइथायाव रिलिज जानाय सावथुन 'कुर्बानि निफ्राय शक्ति कापुर केरियारखौ जागायदोंमोन । बे सावथुननि अफारखौ बिथांआ फिज खाननि गेजेरजों मोन्दोंमोन

आरो बेनि उननिफ्राय बिथांआ माब्लाबाबो उन फारसे गिदिना नायफिनाखेमोन । शक्ति कापुरआ मिबथि होदोंदि, सानसेखालि बिथांनि गारिया फिज खाननि मासैडिजजों सौप्रावदोंमोन बेवहायनो बिथांआ गिबि खेब फावखुंगुरजों लोगो मोन्दोंमोन आरो बिथांआ गावनि एक्टिनि डिप्लामनि सोमोन्दै मिबथिहोदोंमोन ।

शेख हासिना सरकारि सा 15 बाग' मन्थि आरो सा 9 एमपिफोरनि बांलादेश नागारनायखौ होबथादों

ढाका, 3 सेप्टेम्बर: बांलादेशनि गंसे बिजिरसालिआ थानाय समबारखालि शेख हासिना सरकारि सा 15 बाग' मन्थिफोर आरो सा 9 एमपिफोरखौ हादर नागारनायनि सायाव होबथायो। बिसोरनि सायाव गेनाखाथियाव लोब्बा थानायनि दाय जाबसिन्दों। ढाका मेट्रोपलिटानि गागि जर'खा बिजिरगिरि महम्मद असशम्स जगजुल हुसेइनि बिजिरसालिआ थानाय समबारखालि गेनाखाथि होबथाया आयगनि आर'ज गाबनायाव हियारिनि उनाव बे बिथोनखौ होयो। जायफोरनि हादर नागारनायखौ होबथादों, बिसोरनि गेजेराव बाग' गुबुन हादरयारि मन्थि हासन महम्मद, गोहो आरो खनिज सोदांनय राइज्यो मन्थि नसरल हामिद, जाहाजरनि राइज्यो मन्थि खालिद



महम्मद, आइसिटि राइज्यो मन्थि जुनेद अहमद पलक, गुदि आरो सोल्लोथाय राइज्यो मन्थि महम्मद जाकिर हुसेन आ दंफायो। सुलुनि बादिब्ला, हासिनानि अभामी लीगनि माखासे गोर्जे थाखोनि देदनेगिरि, एमपि आरो केबिनेट मन्थिफोर हादर नागारखांबाय। बेनि अनगायै माखासे गुबुन मन्थिफोर गावसोरनि मावख' आरो गावयारि न'फोरखौ नागारबाय आरो बिसोरखौ

नेतन्याहुआ हामासनि सोलोआव हमजाबाय, बाइडेनआबो मोनसे गिदिर दाय होदों

वाशिंग्टन, 3 सेप्टेम्बर: गाजायाव सा 6 हमजाबायफोरनि थैनायनि उनाव इजराइलनि गाहाइ मन्थि बेन्जामिन नेतन्याहुखौ न'आव आरो बायजोआव बेंखन्याय जादों। जेराव हादतआव बिथानि बेरेखायै हेंथा दिन्थिफुनाया सोलिगासिनो दड, आथिखालाव आमेरिकानि हादतगिरि ज' बाइडेनआ नेतन्याहुनि बेरेखायै मोनसे गिदिर दाय होदों। बाइडेनआ बुं'दों मोनदि, नेतन्याहुआ हमजाबायफोरखौ हगार नो थाखाय हामासजों मोनसे गोरोबथायाव सौहैनो थाखाय थोजासे खामानि मावाखैमोन। थानाय सत्ताहयाव, इजराइलनि रैखाथि गोहोआ गाजायाव मोनसे सुर'गनिफ्राय सा 6 इजराइली हमजाबायफोरनि



गोथै सह'खौ बोखांनो हादों मोन। इजराइलआ हामासखौ बुथारनायनि दाय होदों। इजराइलनि सुबुंफोरा नेतन्याहुखौ आद्रा थानाय हमजाबायफोरखौ रैखाथियै

फैफिनो नारसिनगासिनो दड। जेल्ला ज' बाइडेनखौ सौनाय जादों मोनदि, नेतन्याहुआ हमजाबाय गोरोबथायाव थोजासे मावगासिनो दड नामा? बेनि सायाव बिथाड नेगेटिभआव

फिन्नाय होदों मोन। बे समावको इजराइलनि गाहाइ मन्थि बेन्जामिन नेतन्याहुआ ज' बाइडेनखौ फिन गाग्लोबदों मोन। बिथाड बुंदोंदि, हमजाबायफोर थैनायनि

उनाव नारसिन्यायखौ हामासनि सायाव खालामनांगौ, इजराइलनि सायाव नड। नाथाय जोखौ गोथीथि दिन्थिनो थाखाय बुनाय जादों? जोखौ रैहाय होनो थाखाय बुनाय जादों। बेयो हामासनो मा खौरां दैथायहरो? नेतन्याहुआ बुंदों मोनदि, बिथाड फोथायनाय गैयादि बाइडेन एबा गोर्जे मोनो थाखाय गोसो गुदुं सोरबा इजराइलखौ आरोबाव रैहाय होबावनो थिनगोन। हामासआ बे बादि खालामनांगौ। बाइडेनआ बुं'दों मोनदि, आमेरिकाया थाबैने हमजाबाय गोरोबथा दिन्थिनो थाखि खालामदों। गोरोबथाया जाफुं सारगोन नामा होन्ना सौनायाव बिथाड बुंदों मोनदि, जेल्लाबो मिजिं थायो। बाइडेनआ बेखौबो बुंदों मोनदि बिथाड नेतन्याहुजों रायज्यायनो सानथाखि खालामदों। □

तेलेंगाना आरो अन्ध्र प्रदेश आव दैबानाजों दासिम 31 सुबुंफोरनि जिउ ख'हा जाबाय

गोदान दिल्ली, 3 सेप्टेम्बर : तेलेंगाना आरो अन्ध्र प्रदेशनि माखासे ओन्सोलाव लांथिये थामथि सानावबो गोबां अखा हादों आरो बेजों सुबुं माहारिया थेर-बेथेर जानादों। लानथिये अखा हानायनि जाहोनाव गाहाइनि ओन्सोलाव दै लोमसावदों आरो आबादफोरखौ ख'हा खालामदों। लामाफोर आरो रेल लाइनफोर ब्लक जादों। माखासे जायगाफोराव रेल लाइनआव दै लोमसावनाय आरो ट्रेनआ ख'हा जानायनि जाहोनाव गं 432 ट्रेनफोरखौ होबथानाय जादों। एनडिआरएफ, सांथिजों लोमोसे गुबुन एजैन्सिफोरबो रैहाय एबा रैखाथिनि हाबाफारियाव नांथावदों। तेलेंगानायाना बे मिथिंगायारि अलखदजों सा 16 आरो अन्ध्र प्रदेशआव सा 15 सुबुंफोरनि जिउ गोमाबाय। 1.5 लाख रंनि एखरनिखुइ बांसिन क्षेत्रनि आबादआव गोहोम गोसलेंदों।



राइज्यो सरकार गासै 5,000 कौटि रंनि ख'हा जानायखौ हमादाथिदों आरो मिरुनिफ्राय इमारतेंस 2,000 कौटि रंनि मदत बिदों। लोमोसेनो दै बानाखौ हादतयारि अलखदखौ फोसावनो थाखाय दाबि दिखदों। अन्ध्र प्रदेशआवबो दै बानाजों गासै 4.5 लाख सुबुंफोर गोहोम गोसलेंदों। तेलेंगानानि गाहाइ मन्थि ए रेवन्ट रेडडीआ दै बानायाव जिउ गोमानांनय

फिलिपाइन्स आव 'यागि' बारहुंखानि गिखंधाव थासारिजों सा 14 सुबुंफोरनि जिउ गोमादों

मनिला, 3 सेप्टेम्बर : सा-फि लि पा इ न्स आव मंगलबारखालि गोखों बारहुंखानि जाहोनाव दै बाना फैंयो आरो हा गिसिखानाय जाथायफोराव खमैब्लाबो सा 14 सुबुंफोरनि जिउ ख'हा जायो। अलखद सामलायगा बिबानगिरिफोर बेनि सोमोन्दै खौरां होदों। बोथेर बिफाननि बायदिव्ला, बारहुंखा 'यागि' आ इलकस नर्टें ओन्सोलनि पाअय सहजों जाना नै खोला चीन लैथोयाव घन्टायारव 75 किल'मिटर गोखैथिजों सौग्रावयो आरो बिनि गोखैथिया घन्टायारव 125 किल'मिटरसिम सौहैयो। लैथोमानिफ्राय सा-सोनाब फासे खोला चीननि फारसे आवगोयनाय समाव 'यागि' आ चक्रवाति बारहुंखानि महर लानो हागौ। बेनि जाहोनाव सा फिलिपाइन्सनि बांसिन ओन्सोलफोराव बारहुंखानि सांग्राथि फोसावदों। बेनि



गेजेरजों सुबुंफोरनो अखाजों गोहोम गोसलैनाय हाजोयारि गामिफोरव हा गिसिखानाय आरो हादतनि बांसिन सुबुं अन्जमा थानाय ओन्सोल लुजनिनि गाहाइ ओन्सोलफोरव दै बानानि अलखदिनि फारसे सांग्राथि होयो। जायगायारि थाखोयाव एन्टें मुंजों मिबथिजानाय 'यागि' बारहुंखानों फिलिपाइन्सआव मौसुमि बोथोरनि अखायाव

गोखैथि फैंदों। गोबां सुबुंफोर थानाय मनिला आरो लुजनाव थानाव गैथै अखा हानायनि जाहोनाव मंगलबारवबो स्कुल आरो सरकारि मावख'फोरा बन्द' थायो। सुलुनि बायदिव्ला सा आरो गेजेर ओन्सोलफोरव हा-गिसिखानाय, दै बाना आरो दैमाफोराव लोमसावनायनि जाहोनाव खमैब्लाबो सा 18 सुबुंफोर थैयो। बेयाव दै बानाजों खमैब्लाबो सा 18

सुबुंफोर थैयो। बेयाव दै बानाजों बोहैलांनायनि जाहोनाव साब्रे गामियारिफोर गोमाना थानायनि खौरां मोन्दों। बे बारहुंखाखौ नोजोर होना नै लैथोमायारि दावबायनायखौ होबथाना दड आरो गं 34 उरं जाहाजफोरखौ होबथाना लाखिनानि जाहोनाव समबारव जाहाज गाथोन आरो उरं जाहाज गाथोनफोराव रोजा-रोजा दावबायारिफोर थाबथाना थदों। □

मांकि पक्सखौ लानानै बिहारव एलार्ट



पाटना, 3 सेप्टेम्बर : मांकि पक्सनि सन्देह'आव बेमारिफोरनि नमुनाखौ लानानै नायबिजिरनो थाखाय एम्स दिल्ली एबा कलकातायाव थानाय नेशनेल इन्स्टिटुट अफ कालरा एन्ड इन्टेरिक डिजिज दैथाइहरनाय जागोन। बे खौरांखौ इन्टिग्रेटेड डिजिज सांथिलन्स प्रग्रामनि राइज्योयारि साभं खालामग्रा लेइड बिबानगिरि ङ रणजित कुमार होदों। सिभिल सर्जन ङ मिथिलेश्वर कुमारनि बिथोनाव राइज्योआरि सावस्त्रि कमिटिआ मे आय हेल्य यु डेस्कनि थाखाय मोननै बेनार बानायहोनायजों लोमोसे डिउटि रस्टर फोसावो। बे मावसुमाफोरा बेमारिफोरनिफ्राय नायबिजिरनो थाखाय नमुना लागोन। ङ रणजित कुमार सिभिल सर्जनफोरनि दैथाइ हरनाय बिथोनाव बुडेदि, हरिमायारि एयारपर्टआव थानाय 21 सानआव गुबुन हादतफोरनिफ्राय फैंनाय दावबायारिफोरनि हिस्ट्री लानायजों लोमोसे बिसोर सेल्फ डिक्लोरेशन फर्मखौ आबुं खालामनांगोन। इन्लेन्ड नेभिगेशन अथ'रिटिआ गायघाटजों गोरोबलायनानै शिपजों फेंग्रा गुबुन हादतयारिफोरखौबो नोजोर होनाय जायो। आइडिइच पटन, एनएमसिएच गवाथाव मांकि पक्स बेमारिफोरनि थाखाय 5-5 बेडनि आइसलेशन वर्ड बानायनाय जागोन। सुलुनि बायदिव्ला, खोला आफ्रिका, केन्या, खान्धा, युगान्डा, कांग, सुबुंखाथि गणराज्यो, बुरुडी, गेजेर आफ्रिकानि गणराज्यो, कांग-ब्रेजाविल, केम्बुन, नायजेरिया, आइवरी कस्ट, लाइबेरिया, सुइडेन, पाकिस्तान, बांलादेश, फिलिपाइन्स आरो थाइलेन्डआव बे बेमार गुबुन हादतयारि नोगोरिफोरनिफ्राय गोसारो। □

छत्तिसगढ़ आव स्वाइन फ्लुआ साग्लोबसारदों

दुर्ग, 3 सेप्टेम्बर: छत्तिसगढ़आव स्वाइन फ्लुनि के सफोरा देहा बिफाननि जिंगारखौ बांहोदों। बेयावनि दुर्गआव मंगलबारखालि स्वाइन फ्लुजों आरोबाव सासे सुबुंनि जिउ गोमानायनि खौरां मोन्दों। बेनि उनाव जिल्लायारव स्वाइन फ्लुजों जिउ गोमानायफोरनि अन्जिमाया साब्रे जाहैबाय। जिउ गोमानाय सुबुडा भिलाइनि चोहान ग्रीन भेली हाइसिं ससाइटीनि थागिबिमोन। थानाय 22 सानपोरनि गेजेराव दुर्गआव स्वाइन फ्लुनि सा 23 केस नुजाथिखांबाय। बिसोरनि गेजेराव सा 13 बेरामिफोरनि फाहामथाया दुर्ग आरो रायपुरनि सरकारि आरो गावयारि देहा फ।ह।म।स।ल।फ।ो.रा.व सोलिगासिनो दड। बिसोरनि गेजेराव सा 13 बेरामिफोरा गहाम जाखांबाय। बेरफासं साब्रेआ जिउ गोमाबाय। बेनि गेजेरजों एइसाइएन 1 भाइरासनि गोसारनायखौ होबतानो आरो बेनिफ्राय बाग'नो थाखाय दुर्ग कालेक्टर



ऋचा प्रकाश चौधुरीआ गासै देहा फाहामसालिफोरनो एडभाइजरि फोसावदों। एडभाइजरिआव देहा फाहामसालिफोरखौ एइस 1 एन 1 भाइरासजों इन्फेक्सन बेरामिफोरनि नख'रफोर आरो नसुंसेनि सुबुंफोरखौ नायबिजिरनो बिथोन होदों। देहा बिबानगिरिफोरा स्वाइन फ्लुनि बेरामिफोरनि थाखाय दुर्गनि जिल्ला देहा फाहामसालिआव मोन 10 बेड आरो चन्डलाल चन्द्राकर मेम'रि.एल मेडिके ल कलेजआव मोन 30 बेडखौ रिजाभं सन खालामो।

गुजरातनि आर'ब लैथोयाव कस्टगार्डनि हेलिकप्टार गोसलेंदों

परबन्दर, 3 सेप्टेम्बर : गुजरातनि खाथि आर'ब लैथोयाव मोनसे गिदिर जाब्रबथाइ जायो। भारतयारि बोेरि रैखाथि हान्जा (आइसिडि) नि गंसे हेलिकप्टार परबन्दर बोेरिनि खाथि आर'ब लैथोयाव इमारुन्स लेन्डि खालामनाडे, जायनि उनाव उरं जाहाजआ जाब्रबथाइ जायो, बे उरं जाहाजनि बायखोन्दा थुखाफोर मोन्दों। हेलिकप्टारव साब्रे क्रु-मेम्बारफोर गाखोदोंमोन, जायफोरनि गेजेराव सासेखौ रैखा खालामदों आरो जर'खायै सा 3 खौ नागिरनाया सोलिगासिनो दड। बिसोरनि गेजेराव सानै पायलटआबो गोमाना दड। बे जाथाया बै समाव जायो, जेल्ला हेलिकप्टार निकसिनि थाखाय जाहाजनि खाथिजों थांगासिनो दडमोन। बेयाव

बोरि रैखाथि हान्जाया नागिरनाय हाबाफारिनि थाखाय गंभ्रे जाहाजफोर आरो गंनै उरं-जाहाजफोरखौ थिसन्दों। भारतयारि बोेरि रैखाथि हान्जा (आइसिडि) नि रजें लिरथाइनि हेलिकप्टार (एएलएच) आ गुजरातआव बावैसो सिगां फेंनाय बारहुंखाजों लोमोसे अखा हानाय समाव सा 67 सुबुंफोरनि जिउखौ रैखा खालामदोंमोन। हेलिकप्टारआ जाब्रबथाइनि उनाव गोब्राबै जोखोम जानाय सालायग्रा दोलोखौ भारतयारि फिफिला गोनां मटर टंकार हरि लिलायाव फाहामथाइनि थाखाय परबन्दरनिफ्राय गासै 45 किल'मिटर जान्थायाव लैथोमायाव बागलायो। □



पेरिस पेरालिम्पिक आव सुमित अन्तिलनि रेकर्ड सोरजिनायखौ गाहाइ मन्थि मदिआ बरायदों

गोदान दिल्ली, 3 सेप्टेम्बर: भारतनि स्टार जेभलिन खुबैरा सुमित अन्तिलना पेरिस पेरालिम्पिक-2024 आव सनानि मेडेल देरहादों। बेयो बिथानि फारियै नैथि सनानि मेडेल देरहानाय। बेनि सिगां बिथाख टकिय पेरालिम्पिक-2020 आवबो सनानि मेडेल देरहादोंमोन। बिथानि बेबादि जाफुसोनो हानायखौ भारतनि गाहाइ मन्थि नरेन्द्र मदिआ बिथाखौ बरायदों। बे बादायनायाव सुमितआ गावनि नैथि नाजानायवाव 70.59 मिटर जान्थाय खुबैनानै पेरालिम्पिक आव मोनसे गोदान रेकर्ड सोरजिनो हादों। अन्तिलना हंजो पेरा एसियात गेम्स आव 73.29 मिटर जान्थाय खुबैनानै मुलुग रेकर्ड खालामदोंमोन। एफ-44 जेभलिन खुबैनानै बादायलायनायाव भारतनि गुबुन बादायारि सन्दीप आ रैथि आर सन्जय सरगर आ स्निथि मासि आवग्रिनो हादों। गाहाइ मन्थि मदिआ सुमितखौ बिथानि जाफुसोनारयनि थाखाय बरायदों। मदिआ ससिएल मिडिया साइट एक्स आव पर्ट खालामनानै लिरदों- सुमितआ जोबोद मोजाडे दिन्थिफुदों। जेभलिन थ्र'नि एफ-64 बादायलायनायाव सनानि मेडेल देरहानायनि थाखाय बिथाखौ बरायो। बिथामोनहा जोबोद दिदोमधि आरौ रंगथि दिन्थिदों। इयुनि थाखाय बिथानिसिमि गाहाम हामलायनाय होबाय। भारतनि बाररा 'गेलेम मन्थि आरौ अलिम्पिक मेडेल देरहागिरि श्यार राज्यभर्धन राठौरआबो सुमितखौ बरायदों। बिथाख एक्स आव लिरदों, सुमितआ एफ-64 जेभलिन थ्र'आव सनानि मेडेल देरहाना



खौखौ गोगाहोदों। बिथानो गोसो गोबैनिफ्राय बरायनाय आरौ बे सनानि जाफुसोनारयनि थाखाय गाहाम हामब्लायाय हरबाय। बेरफासै भारतनि गेदेमा बेदसमेन सचिन तेन्दुलकारआबो सुमितनि दिन्थिफुनायखौ नायनानै गावखौ हामथानो हायाखे। बिथाख सुमितखौ बरायनानै एक्स आव एरेबदि लिरदों, -मोनसे आयदायाव मोनथाम मुलुग रेकर्ड बानायनाया गेदेमाफोरनि खामानि। बे बिन्दोखौ रावबो दाजाबथाइया बरनायनो हाया। जोबोद मोजां नाजानाय सुमित। सनानि मेडेल देरहानायनि थाखाय बरायबाय।

उरुवेनि बयनिखुइ साबसिन स्कारर लुइस सुआरेजआ मुलुगनां फुटबल फोथारनिफ्राय अजिरा लासिगोन



स्पर्ट्स डेस्क, 3 सेप्टेम्बर: उरुवेनि मुंदांखा जेलुर गेलेगिरि लुइस सुआरेजआ गेजेर हायुडरि जेलुरनिफ्राय अजिरा लानो फोसावदों। बेजों लोगोसे सुआरेजआ गावनि 17 बोसोरनि सनानि जिउ राहाखौ फोजोबो। सुआरेजआ हदरनि थाखाय बयनिखुइ बांसिन गल सोग्रा जानो हादों। बिथाख उरुवेनि थाखाय मोन 69 गल सोनो हादों। लुइस सुआरेजआ मोनसे खौरां मेलनि गेजेरजों गावनि अजिरा लानायखौ फोसावदों। बिथाख बुंदीदि, फेगो 6 सेप्टेम्बरखालि फिफा बुहुमनां काप क्वालिफायर आव परागवेनि बेरेखायै गेलेनायनि उनावो बिथाख गेलेनायनिफ्राय गोजानाव थागोन। 17 बोसोरनि केरियार आव सुआरेजआ उरुवेनि थाखाय खेब 142 मेच गेलेबाय आरौ मोन 69 गल सोनो हाबाय। लुइस सुआरेजआ 8 फेबुवारि 2007 माइथायाव उरुवेनि थाखाय गेलेजेन्दोंमोन। बे मेच आव उरुवेआ कलम्बियाखौ 3-1 जों गेलेजेन्दोंमोन। बिथाख गोखैयैनो उरुवेनि गाहाइ गेलेगिरि जादोंमोन। लुइसआ खोला आफ्रिकायाव 2010 माइथायनि फिफा बुहुमनां काप आव उरुवेनि थाखाय गाहाइ बिफाव लादोंमोन। बिथाख

बुहुमनां काप क्वालिफाई आव 20 मेच फोरनि गेजेर 19 मेच आव बाहागो लादोंमोन। सुआरेजआ खौरां मेलाव बुंदीदि- अजिरा लानायनि थार सम आरौ खाफालखौ नायनानै आं फोथायनायजों बुडेदि, आं हायुडरि हान्जानिफ्राय अजिरा लासिगोन। मानोना आं आलादा जानायनि थार समखौ मोन्दाडे, बेखौ मिथिनयनि अनगा रावनिबो थाखाय साबसिन गोमानाय गैया। आं 37 बोसोर बैसो जाबाय आरौ आं मिथिगोदि फेगो बुहुम कापसिम गेलेनाया आनि थाखाय जोबोद गोन्नाब। आं अजिरा लानायवाव गोजोन मोनो, मानोना आं दुखुनि थाखाय अजिरा लायाखे आरौ रावबो आंखौ होबथायाखे। बेयो गावोनो आंखौ हेफाजाब होयोदि, आं गुबुन जानो थाखाय साखा-फारा जानायखौ हमदोनो हायो। बेयो गोन्नाब मानोना थिरांथा लानाया गोरलै नड। नाथय आं मोनसे सिरि गोसो जों थांगसिनो। आं थांनाय मेच आव आनि गासैखौबो होनो नाजगोन। सुआरेजनि मुंदांखा गेजेर हायुडरि केरियार फोरनि गेजेर मोनसे आ 2010 माइथायनि बुहुमनां कापनि समाव फेदोंमोन, जायखौ अन्सायगिरिफोरा जेब्लाबो गोसो आव लार्खिगोन। घानानि बेरेखायै क्वार्टर फाइनल मेच आव सुआरेजआ जोबथा बुब्बियाव गल लाइन आव मोनसे गात्रि हेन्डबल खालामदोंमोन, जायनि जाहोनाव घानाय गलखौ खोमानांदोंमोन। सुआरेजखौ गोजा कार्ड दिन्थिनय जादोंमोन आरौ बिथानि फोथारनिफ्राय दिहुन्नाय जादोंमोन। घानानि ज्ञानआ पेनाल्टि मोननो हायाखेमोन आरौ उरुवेआ पेनाल्टि शूटआउट आव देरहानानै सेमिफाइनल आव सौहेदोंमोन। मख'नो गोनार्दि, सुआरेजआ 2024 माइथायनि कपा आमेरिकायाव कानाडानि हेंथायै थामथि जायगानि मेचनि थाखाय उरुवेनि थाखाय गावनि जोबथा मेच गेलेदोंमोन। बेयाव बिथाख शूटआउट आव पेनाल्टि गल खालामनानै हान्जाखौ देरहानायव मदद होदोंमोन। आधिखालाव सुआरेजआ क्लाब फुटबल आव गावनि आबु नोजोर होगोन।



आसाम सरकार



माहारियारि देहा मावथांखि, आसाम

गोगो देहा हुदा, गथ 'फोरनि रंजानाय

पिलौनिफ्राय नौथांनि गथ 'खौ रैखाथि हो

नौथांन मिबधिगोना?

जायफोर गथ 'फोरा पिलौ दड...

जेब्लायबो मैनानयनि मोन्दाथि लायो, मानोना मोनसे लोरबां देहायारि आरौ जौगानायनिफ्राय मोजां नडै जाग्रा आदार आरौ एनेमियानि थाखाय भुगिनानो हागौ

पिलौ सोमजिनायखौ होबथानो गोरलै

आसुगुखौ साखोन-
सिखोन आरौ गुसुं लालांदां जायगायाव खिनो
नाडा। जेब्लायबो
खिखरसालि बाहायनौथांनि आखायखौ साबोनजों सु, जर 'खायै जानायनि
सिगां आरौ खिखरसालि बाहायनायनि उनावनौथांनि सोरगिदि
साखोन-सिखोन
लाखिफिथाइ-सामथाइ
आरौ मैंगफोरखौ
गोगो दैजों सुजुथा/
स्लिपार गानगोगो दै
लां

फरायसालियाव थांनाय गासैबो गथ 'फोरनो क्रिमि होबथाग्रा टेबलेट होनाय जायो

माहारियारि क्रिमि होबथाग्रा सान आव जायफोर गथ 'फोरा नुजाथिनो हायै एबा लोमजानायनि जाहोनाव टेबलेट लानो हायाखै बिसोरनो 6 सेप्टेम्बर, 2024 सिमनि गेजेर आव होथारनांगोन

आसा आरौ अंगनबादि मावफारियाफोराबो गासै अंगनबादि सेन्टारफोराव क्रिमि होबथाग्रा टेबलेटखौ रानगोन आरौ 1-19 बोसोर बैसोनि गासै गथ 'फोरखौ क्रिमि उदां खालामनो थाखाय न सिम दावबायहैगोन

नौथांनि नख 'आव जोब्ला दावबायहैयो अब्ला देहा मावथांफोरजों हेफाजाब खालामनो बिमा-बिफा/दिथागिरिफोरखौ खबलायो

एलबेनडेजल टेबलेट आ बाहायनायनि थाखाय रैखाथि गोनां आरौ बेयो वर्ल्ड हेल्थ अर्गेनाइजेसन (डब्लिउएडएसअ) जों गनायथि जानाय

बासिन रोखायै मिबथिनो थाखाय नौथांनि आसा/एएनएमजों फोनांजाव खालाम एबा हेल्प लाइन नं. 104 आव कल खालाम

आसाम सरकार

महापुरुष श्रीमन्त शंकरदेबनि थैनाय सान

आगे निसिनिलु एबेजे जानिलु

तेन्ते तुमि सिरीराम।

अज्ञानीक मुक

प्रभु खमियुक

चरने करु प्रनाम

-श्रीमन्त शंकरदेब

महापुरुष श्रीमन्त शंकरदेबनि थैनाय

साननि मुडै गासै आसामआरिनि

जानानै गुरुजनानिसिम सिबिनाय

बाउहरबाय।

ॐ हिमन्त बिश्व शर्मा

गिबि मन्थि, आसाम

4 सेप्टेम्बर 2024

18 भाद 1431 भास्कराब्द

फोरमायथाय आरौ सुबुं फोनांजाव बिथोनगिरि मावख', आसामजों फोसाव जानाय

Connect with us @diprassam dipr.assam.gov.in

